

Bosna i Hercegovina

Босна и Херцеговина



Sud Bosne i Hercegovine

Суд Босне и Херцеговине

Predmet broj: S1 2 K 035528 21 K

Datum objavljivanja: 30.03.2022. godine
pismenog otpravka: 31.03.2022. godine

Pretno vijeće u sastavu:

sudija Nenad Šeleta, predsjednik vijeća
sudija Džemila Begović
sudija Branko Perić

PREDMET TUŽILAŠTVA BOSNE I HERCEGOVINE
protiv

TONIJA BAŠIĆ

PRESUDA

Tužilac Tužilaštva Bosne i Hercegovine:
Čazim Hasanspahić

Branilac po sl. dužnosti:
Vlado Adamović, advokat iz Sarajeva

Broj: S1 2K 035528 21 K
Sarajevo, 30.03.2022 godine

Sud Bosne i Hercegovine, u pretresnom vijeću sastavljenom od sudije Nenada Šelede, kao predsjednika vijeća, te sudija Džemile Begović i Branka Perić kao članova vijeća, uz sudjelovanje pravnog savjetnika-asistenta Srđana Markovića u svojstvu zapisničara, u krivičnom predmetu protiv optuženog Tonija Bašić, zbog krivičnog djela, Izazivanje nacionalne, rasne i vjerske mržnje, razdora i netrpeljivosti iz člana 145a., stav 1. KZ BiH, povodom optužnice Tužilaštva BiH, broj: T20 0 KTT 018838 20 od 23.12.2020 godine, koja je potvrđena dana 29.12.2020 godine, precizirane dana 16.03.2022 godine, nakon održanog ročišta za razmatranje sporazuma o priznanju krivice i ročišta za izricanje krivičnopravne sankcije, na osnovu odredbe člana 231., Zakona o krivičnom postupku Bosne i Hercegovine (ZKP BiH), u prisustvu tužioca Tužilaštva BiH Ćazima Hasanspahića, optuženog Tonija Bašić i njegovog branioca, advokata Vlade Adamović, dana 30.03.2022 godine, donosi i javno objavljuje:

U IME BOSNE I HERCEGOVINE!

P R E S U D U

Optuženi TONI BAŠIĆ, sin Igora i majke Natalije, djev. Čugenzeva, rođen 24.08.2000 godine u Sarajevu, nastanjen u ..., po nacionalnosti ..., državljanin ... i ..., završena SSS, student, srednjeg imovnog stanja, neoženjen, nezaposlen, ne vodi se drugi krivični postupak, JMB: ...

K R I V J E

Što je:

U periodu od 08.02.2020 godine do 17.03.2020 godine u više navrata javno i to putem sredstava javnog informisanja i to koristeći društvenu mrežu „Telegram“ koja je dostupna širokom krugu korisnika, javno izazivao i raspirivao nacionalnu, rasnu i vjersku mržnju, razdor i netrpeljivost među konstitutivnim narodima i ostalima koji žive i borave u BiH, na način da je koristeći profil „Paddington1488“ zajedno sa korisnikom „SorestHH“ i to sa IP adrese: ..., dana 08.02.2020 godine, objavio formiranje kanala pod nazivom „MoonKrieg Division“ kreirajući jedinstveni telegram kanal za zvanične objave, te opisujući grupe na kanalu kao :“striktno nacionalni socijalist. Podržavamo politički teror i ubistvo Jevreja i političara. Prihvatili smo činjenicu da se sistem ne može spasiti, te mora biti uništen. Kako bi ubrzali neizbježni kolaps jevrejskog društva iz noćne more mi ne smijemo pratiti pravila sistema nego djelovati protiv njega, te objavljujući seriju slika i tekstualnih dokumenata kojim prijeti i potiče nasilje protiv manjinskih grupa sa sadržajem objava „Ubij gasom svakog Jevreja“, „Stop Aids/ubij homoseksualce“, „Novorođena Bosna/more će biti crveno od krvi naših neprijatelja /Jevreja, migranata, Roma, Srba, Hrvata, „88 cmaca mi ubijemo svaku noć/88 metaka ćemo staviti u svakog Jevreja, „Domaći terorizam se vratio/Baci bombu na zgradu lokalne vlade“, „Kreni putem genocida/Ubij svakog Jevreja“, „Daj mi snage/da ubijem sve ostale Jevreje, „MKD prijedlog dana /Ubij svog lokalnog libertarijanca, „Pridruži se MoonKrieg odredu za ubijanje“, „Ugasi svoju žeđ za crnačkom krvi“, moonKrieg stoji uz Lithuanua/Masakriraj lokalnu populaciju jevreja“ „pošalji bombu domaće izrade od 14 kg na ADL sjedište u 605 trećoj aveniji New York“, „Izbriši ADL

zgradu !!! 605 treća avenija New York, NY, 10158, SAD/vrijeme je ured isteklo Jevreji!20/04/20“, Oni su oborili našu stanicu/zato smo oborili njihovu djecu“,

čime je, počinio krivično djelo, Izazivanje nacionalne, rasne i vjerske mržnje, razdora i netrpeljivosti iz člana 145a., stav 1. Krivičnog zakona Bosne i Hercegovine.

Pa mu Sud, na osnovu članova 58. i 59. KZ-a BiH, izriče:

U V J E T N U O S U D U

kojom se optuženom Toniju Bašić, za počinjeno krivično djelo, Izazivanje nacionalne, rasne i vjerske mržnje, razdora i netrpeljivosti iz člana 145a., stav 1. KZBIH, primjenom člana 48. KZ BiH, utvrđuje:

KAZNA ZATVORA U TRAJANJU OD 2 (DVIJE) GODINE

i istovremeno određuje da se ova kazna neće izvršiti ukoliko optuženi u roku od 3 (tri) godine, od dana pravosnažnosti presude, ne počinu novo krivično djelo.

Na osnovu člana 69. stav 1. tačka d) KZ BiH, a u vezi sa članom 74. stav 1. KZ BiH, prema optuženom Toniju Bašić, izriče se mjera sigurnosti oduzimanja predmeta i to:

- Mobilni telefon „Iphone 6“ u kožnoj futroli, IMEI broj: 359487082009537, sa pripadajućom SIM karticom broj: ...
- Laptop „Dell“, serijskog broja: 7L96KW1, sa punjačem;
- USB stick „ADATA“ C008/16 GB, sa privjeskom, sve po Potvrdi o privremenom oduzimanju predmeta Državne agencije za istrage i zaštitu, broj: 16-04/1-13/20 od 15.06.2020 godine;

Na osnovu člana 188. stav 1., u vezi sa članom 186. stav 2. Zakona o krivičnom postupku Bosne i Hercegovine, optuženi Toni Bašić obavezuje se na plaćanje troškova krivičnog postupka čiji će iznos Sud utvrditi posebnim rješenjem, po pribavljanju potrebnih podataka.

O b r a z l o ž e n j e

I Optužba

1. Optužnicom Tužilaštva Bosne i Hercegovine, broj: T20 0 KTT 0018838 20 od 23.12.2020 godine, Toni Bašić je optužen da je radnjama opisanim u izreci ove presude, počinio krivično djelo Javno podsticanje na terorističke aktivnosti iz člana 202a. KZ BiH, u vezi sa krivičnim djelom, Terorizam iz člana 201. KZ BiH.

2. Sudija za prethodno saslušanje potvrdila je optužnicu dana 29.12.2020 godine, nakon čega se optuženi na ročištu za izjašnjenje o krivnji, održanom dana 08.04.2020 godine, izjasnio da nije kriv za krivično djelo koje mu se stavlja na teret, nakon čega je predmet upućen sudećem vijeću radi zakazivanja glavnog pretresa.

3. Glavni pretres u predmetu je počeo 06.10.2021 godine, čitanjem optužnice od strane Tužilaštva BiH.

4. Tužilaštvo BiH je dana 16.03.2022 godine, u skladu sa članom 275. Zakona o krivičnom postupku BiH, dostavilo preciziranu optužnicu, broj: T20 0 KTT 0018838 20 od 01.02.2022 godine, sa prilagođenim činjeničnim opisom sa do sada izvedenim dokazima optužbe u toku glavnog pretresa, te izmjenjenom pravnom kvalifikacijom krivičnog djela koje se optuženom stavlja na teret, u smislu da je optuženom Toniju Bašić na teret stavljeno izvršenje krivičnog djela, Izazivanje nacionalne, rasne i vjerske mržnje, razdora i netrpeljivosti iz člana 145a., stav 1. KZ BiH.

II Sporazum o priznanju krivnje

5. Dana 01.02.2022 godine, između Tužilaštva BiH, optuženog Tonija Bašić i njegovog branioca, zaključen je sporazum o priznanju krivnje, po kojem je optuženi priznao krivicu za krivično djelo opisano u preciziranoj optužnici, odnosno počinjenje krivičnog djela, Izazivanje nacionalne, rasne i vjerske mržnje, razdora i netrpeljivosti iz člana 145.a, stav 1. KZ BiH, koji je 16.03.2022 godine dostavljen Sudu BiH na razmatranje.

6. Zaključenim sporazumom, optuženi Toni Bašić je prihvatio da mu se za navedeno krivično djelo izrekne uvjetna osuda kojom se utvrđuje kazna zatvora u trajanju od 2 (dvije) godine zatvora, a koja se neće izvršiti ukoliko optuženi u roku od 3 (tri) godine od dana pravosnažnosti presude ne učini novo krivično djelo.

7. Dana 30.03.2022 godine, održano je ročište na kojem je Sud razmotrio dostavljeni sporazum.

8. U skladu sa članom 231., stav 6., ZKP BiH, Sud je najprije ispitao da li su ispunjeni svi uslovi propisani tačkama a) do e) navedene odredbe. Na održanom pretresu za razmatranje sporazuma o priznanju krivnje, Sud je utvrdio da je optuženi Toni Bašić sklopio navedeni sporazum dobrovoljno, svjesno i sa razumijevanjem, a nakon što je upoznat sa mogućim posljedicama, uključujući i posljedice vezane za eventualne troškove krivičnog postupka. Sud je, takođe, utvrdio da je optuženi razumio da se na ovaj način odriče prava na suđenje i da ne može izjaviti žalbu na krivičnopravnu sankciju, koja će mu biti izrečena, kao i da postoji dovoljno dokaza o krivnji optuženog za krivično djelo koje mu je optužnicom stavljeno na teret. Ispitano je i da li je predložena kazna u skladu sa odredbama stava 3., člana 231. ZKP BiH.

9. U cilju donošenja odluke o prihvatanju ili odbacivanju sporazuma o priznanju krivnje, a nakon što je utvrdio da su ispunjeni uslovi iz člana 231. ZKP BiH, uz ocjenu da li postoji dovoljno dokaza da je optuženi počinio krivičnopravnu radnju, te da li se u njegovim radnjama stiču svi bitni elementi krivičnog djela za koje je i optužen, Sud je na ročištu povodom razmatranja sporazuma o priznanju krivnje, dana 30.03.2022 godine isti prihvatio, nalazeći da je optuženi Toni Bašić, kriv za krivično djelo, Izazivanje nacionalne, rasne i vjerske mržnje, razdora i netrpeljivosti iz člana 145a., stav 1. KZ BiH.

III Dokazni standard i provedeni dokazi

10. Standard "*dovoljno dokaza*", koji zakonodavac propisuje kao uslov za prihvatanje sporazuma o priznanju krivice optuženog, Sud je utvrdio na osnovu priznanja optuženog i dokaza predočenih i uložениh u sudski spis od strane Tužilaštva, na koje optuženi nije imao prigovora, a radi se o sljedećim uložениm dokazima:

DT-1 Psihijatrijsko vještačenje Toni Bašić, vještak prof.dr. Alma Bravo-Mehmedbašić od 21.12.2020 godine; **DT-2** Zapisnik o ispitivanju osumnjičenog Toni Bašić, T BiH broj: T20 0 KTT 0018838 20 od 17.06.2020.godine; **DT-3** Zapisnik o ispitivanju osumnjičenog, Državna agencija za istrage i zaštitu BiH, broj: 16-04/1-13/20 od 15.06.2020.godine; **DT-4** Zapisnik o saslušanju svjedoka Zijad Landžo, T BiH, broj: T20 0 KTT 0018838 20 od 18.12.2020.godine; **DT-5** Zapisnik o saslušanju svjedoka Samir Spahić T BiH, broj: T20 0 KTT 0018838 20 od 18.12.2020.godine; **DT-6** Zapisnik o saslušanju svjedoka Predrag Petrović, T BiH, broj: T20 0 KTT 0018838 20 od 18.12.2020.godine; **DT-7** Informacija, Državna agencija za istrage i zaštitu BiH, broj: 16-04/1-04-1-3261-5/20 od 06.05.2020.godine sa prilogom CD; **DT-8** Izvještaj o preduzetim mjerama i radnjama, Državna agencija za istrage i zaštitu BiH, broj: I-16-04/1-04-1-228-2/20 od 02.06.2020.godine; **DT-9** Izvještaj o počinjenom krivičnom djelu i počinitelju, Državna agencija za istrage i zaštitu BiH, broj: I-16-04/1-04-1-228-6/20-KU-13/20 od 16.06.2020.godine; **DT-10** Naredba Sud BiH, broj: S1 2 K 035528 20 Krn od 14.05.2020.godine; **DT-11** Postupanje po naredbi Suda BiH, Telemach d.o.o. Sarajevo od 21.05.2020.godine; **DT-12** Naredba za pretres stana, ostalih prostorija, pokretnih stavri i osoba i privremeno oduzimanje predmeta, Sud BiH, broj: S1 2 K 035528 20 Krn 2 od 09.06.2020.godine; **DT-13** Zapisnik o pretresanju stana, drugih prostorija i pokretnih stvari, Državna agencija za istrage i zaštitu BiH, broj: 16-04/1-7/20 od 15.06.2020.godine; **DT-14** Potvrda o privremenom oduzimanju predmeta, Državna agencija za istrage i zaštitu BiH, broj: 16-04/1-13/20 od 15.06.2020.godine; **DT-15** Potvrda o privremenom oduzimanju predmeta, Državna agencija za istrage i zaštitu BiH, broj: 16-04/1-14/20 od 15.06.2020.godine; **DT-16** Izvještaj o postupanju po Naredbi Suda BiH, Državna agencija za istrage i zaštitu BiH, broj: 16-04/1-9/20 od 15.06.2020.godine; **DT-17** Potvrda o privremenom oduzimanju predmeta, Državna agencija za istrage i zaštitu BiH, broj: 16-04/1-15/20 od 16.06.2020.godine; **DT-18** Fotodokumentacija, MUP Uprava policije, odjeljenje za kriminalističku tehniku i forenziku, Sarajevo, broj: O.R. 334/20 od 26.06.2020.godine; **DT-19** Zapisnik o otvaranju i pregledu privremeno oduzetih predmeta i dokumentacije, T BiH, broj: T20 0 KTT 0018838 20 od 22.06.2020.godine; **DT-20** Naredba za pretres pokretnih stvari, Sud BiH, broj: S1 2 K 035528 20 Krn 4 od 25.06.2020.godine; **DT-21** Zapisnik o pretresanju stana, drugih prostorija i pokretnih stvari, Državna agencija za istrage i zaštitu BiH, broj: 16-04/1-10/20 od 02.07.2020.godine; **DT-22** Fotodokumentacija, Državna agencija za istrage i zaštitu BiH, broj: I-16-10/6-117-FD/20 od 27.07.2020.godine; **DT-23** Izvještaj o realizaciji Naredbe Suda BiH, broj: 16-04/1-04-1-12/20 od 03.07.2020.godine; **DT-24** Izvještaj o vještačenju, Agencija za forenzička/forenzična ispitivanja, Broj: 14-4-1-04-1-365-4/20 od 11.08.2020.godine sa prilogom DVD/CD x 13; **DT-25** Akt ureda pravnog atašea Ambasada SAD-a broj za praćenje: 192115417 od 09.07.220.godine, prevedeno na BHS jezik

11. U toku postupka, odbrana optuženog nije imala dokaznih prijedloga.

IV Relevantno pravo

Izazivanje nacionalne, rasne i vjerske mržnje, razdora i netrpeljivosti, član 145a., KZ BiH

(1) Ko javno izaziva ili raspiruje nacionalnu, rasnu ili vjersku mržnju, razdor ili netrpeljivost među konstitutivnim narodima i ostalima, kao i drugima koji žive ili borave u Bosni i Hercegovini, kaznit će se kaznom zatvora od tri mjeseca do tri godine.

(2) Ko krivično djelo iz stava (1) ovog člana počini zloupotrebom svog položaja ili ovlaštenja kaznit će se kaznom zatvora od jedne do deset godina.

V Utvrđenje krivice

13. Sud je analizom svih provedenih dokaza, kako pojedinačno tako i u njihovoj međusobnoj vezi, utvrdio da isti nisu ničim dovedeni u sumnju, naročito imajući u vidu izjašnjenje odbrane optuženog, da u potpunosti prihvataju dokaze, da na njih nemaju primjedbi niti prigovora, te da svi provedeni dokazi potvrđuju priznanje krivnje optuženog i činjenične navode optužnice, zbog čega su ocijenjeni kao nesporni i samim tim, nije potrebna njihova dublja analiza, niti detaljnije obrazloženje u sudskoj odluci, *primjerjujući stav Apelacionog vijeća Suda BiH, naveden u Presudi, brčj: S1 2 K 023538 17 KŽ, Zjad Hadžifejzović*. Sud je navedene dokaze ocijenio i prihvatio kao istinite, objektivne i nesporne, na osnovu kojih dokaza je utvrđeno da je optuženi Toni Bašić, radnjama opisanim u optužnici, ostvario sva bitna obilježja krivičnog djela koja mu se stavljaju na teret, nalazeći da je kritične prilike postupao sa sviješću i voljom da se ostvare zabranjene posljedice, počinivši predmetno krivično djelo sa direktnim umišljajem, zbog čega je oglašen krivim.

14. U skladu sa naprijed navedenim, Sud je utvrdio da su u cijelosti ispunjene pretpostavke propisane članom 231., stav 6., ZKP BiH, za prihvatanje zaključenog sporazuma, te je donešena takva odluka, nakon čega je održan pretres za izricanje krivičnopravne sankcije.

15. Nakon izjašnjenja strana u postupku i advokata, te nakon ocjene svih dokaza zasebno i u međusobnoj vezi, Sud je optuženog oglasio krivim, kako je to naprijed opisano.

VI Odluka o krivičnopravnoj sankciji, oduzimanju predmeta i troškovima krivičnog postupka

16. Prilikom odlučivanja o krivičnoj sankciji optuženog, za krivično djelo za koje je oglašen krivim, Sud je shodno članu 48., KZ BiH, najprije imao u vidu zakonski okvir kažnjavanja za predmetno krivično djelo, ali i sve okolnosti koje mogu biti od uticaja da kazna bude veća ili manja (otežavajuće i olakšavajuće okolnosti), a naročito: stepen krivice, pobude iz kojih je djelo počinjeno, jačinu ugrožavanja ili povrede zaštićenog dobra, okolnosti pod kojima je djelo počinjeno, raniji život učinitelja, njegove osobne prilike i ponašanje nakon počinjenog krivičnog djela. Nakon analiziranja svih navedenih okolnosti Sud je ocijenio da će se izrečenom sankcijom, postići ciljevi specijalne i generalne prevencije.

17. U odnosu na optuženog Tonija Bašić, od olakšavajućih okolnosti, Sud je najprije cijenio priznanje izvršenja krivičnog djela, što je u velikoj mjeri doprinijelo ekonomičnosti postupka, izraženo kajanje, kao i činjenicu da se radi o osobi mlađe životne dobi koja nije bila svjesna težine i ozbiljnosti, te eventualnih posljedica koje su proizašle iz njegovog ponašanja u inkriminisano vrijeme. Sud je s posebno pažnjom cijenio činjenicu da optuženi Toni Bašić ima status studenta koji se nalazi na početku svoje potencijalne akademske i/ili profesionalne karijere, kao i da ranije nije bio osuđivan. Sud nije našao otežavajuće okolnosti na strani optuženog Tonija Bašić.

18. Sud je uvjerenja da će se upravo ovako izrečenom uvjetnom osudom kojom je utvrđena kazna zatvora u trajanju od 2 (dvije) godine, a koja se neće izvršiti ako optuženi u roku od 3 (tri) godine ne poćini krivićno djelo, u potpunosti postići svrha kaŹnjavanja u smislu odredbi ćlana 39. KZ BiH, odnosno ostvariti specijalna prevencija, uticajem na optuženog da ubuduće ne ćini krivićna djela, kao i generalna prevencija, u vidu uticaja na druge da ne ćine krivićna djela.

19. Sud istiće da okonćanje krivićnog postupka sporazumom o priznanju krivnje, podrazumjeva i aktivno ućešće optuženog u izboru i odmjeravanju sankcije, te ukazuje na spremnost i potpunije preuzimanje odgovornosti za poćinjeno krivićno djelo, njegovo shvatanje i razumijevanje teŹine i štetnosti djela koje je ućinio, kao i spremnost na suoćavanje sa posljedicama svog djela i promjenu ponašanja, što će doprinijeti potpunijem ostvarenju svrhe kaŹnjavanja.

20. Ćlanom 69. stav 1. taćka d) KZ BiH, regulisana je mjera sigurnosti oduzimanja predmeta, dok je ćlanom 74. stav 1. istog Zakona, propisano obavezno oduzimanje predmeta *kcji su na bilo kcji naćin, u cjelini ili cjelimićno, upotrjebjeni ili su bili namjerjeni da budu upotrjebjeni za poćinjenje ili kcji su nastali poćinjenjem krivićnog djela, ako su vlasništvo poćinioca.*

21. Na osnovu citiranih zakonskih odredbi, Sud je od optuženog Tonija Bašić, trajno oduzeo ranije privremeneno oduzete predmete¹, kako je to taksativno nabrojano u izreci presude, našavši da su isti bili upotrijebljeni za poćinjenje krivićnog djela. Istovremeno, imajući saglasna izjašnjenja TuŹilaštva BiH i odbrane optuženog, da centralna jedinica „Dell XPS“, crne boje, serijskog broja: QXPCG3, oduzeta od optuženog Tonija Bašića, nije korištena prilikom izvršenja krivićnog djela za koje je optuŹeni Toni Bašić osuđen, Sud je donio odluku da se navedeni privremeno oduzeti predmet neće trajno oduzimati, nego će isti biti vraćen po pravosnaŹnosti presude.

22. Odluka o troškovima krivićnog postupka je donesena na osnovu ćlana 188. stav 1., u vezi sa ćlanom 186. stav 2. Zakona o krivićnom postupku Bosne i Hercegovine, kojom se optuŹeni Toni Bašić obavezuje na plaćanje troškova krivićnog postupka ćiji će iznos Sud utvrditi posebnim rješenjem po pribavljanju potrebnih podataka.

ZAPISNIĆAR
Pravni savjetnik - asistent
Srđan Marković

PREDSJEDNIK VIJEĆA SUDIJA
Nenad Šeleda

POUKA O PRAVNOM LIJEKU: Protiv ove presude nije dozvoljena Źalba na izrećenu krivićnopravnu sankciju, niti Źalba na vrstu procesa. (ćlan 231. ZKP BiH). Iz drugih razloga propisanih Zakonom o krivićnom postupku BiH, Źalba na ovu presudu moŹe se podnijeti Apelacionom odjeljenju Suda BiH u roku od 15 dana od dana dostavljanja pismenog otpravka presude.

¹ Potvrda DrŹavne agencije za istrage i zaštitu, broj: 16-04/1-13/20 od 15.06.2020 godine - uloŹena kao dokaz TuŹilaštva BiH, broj: DT-14